

# e-BULETIN JSKM

## **Cabaran Wanita**

*Muniroh Hamat*

### **Antara Menarik di Dalam**

- Generate e-Certificates with Autocrat
- Symbolab Matrices
- JJCM Hatyai
- Jika Diri Diuji
- Tentang Kamu
- Pengurusan Rekod
- Musafir Haji
- Wira Sejati

**Edisi April 2023**



# CABARAN WANITA

## MENJADI PEMIMPIN SESEBUAH JABATAN

Oleh: Muniroh Hamat

Peranan wanita dalam era globalisasi sudah banyak berubah berbanding peranan tradisional. Wanita tidak hanya memikul tanggungjawab sebagai pengurus rumah tangga, malah turut menyumbang kepada kedudukan ekonomi keluarga dengan bekerja mencari sumber pendapatan. Dengan keluar bekerja, wanita kini dipertanggungjawabkan sebagai ketua memimpin sekumpulan individu pekerja dalam organisasi awam mahupun swasta. Justeru, ciri kepemimpinan wanita perlu mampu untuk menyiapkan mereka dengan cabaran kepemimpinan dalam dunia pekerjaan selari perkembangan teknologi digital. Ciri kepemimpinan ini juga perlu memastikan wanita mampu mengekalkan sikap ketahanan dalam mengharungi cabaran zaman digital. Dari segi gaya kepemimpinan secara amnya ada empat gaya, iaitu autokratik, humanis, demokrasi dan laissez-faire. Gaya kepemimpinan diamalkan pemimpin banyak dipengaruhi pengalaman bekerja, latar belakang keluarga dan pendidikan diterima mereka.

Semasa saya menerajui Jabatan Sains Komputer dan Matematik (JSKM), UiTM Cawangan Pulau Pinang, cabaran dan dugaan memang tidak dapat dielakkan. Seramai 40 staf di bawah jagaan, masing-masing memikul amanah tugas dengan sebaiknya. Selepas 1 tahun memegang jawatan Koordinator JSKM, saya diduga dengan kematian suami tersayang. Tetapi kekuatan untuk meneruskan amanah tugas tetap diteruskan dengan sokongan padu dari staf-staf JSKM. Sentiasa positif, simpan semua yang negatif untuk dibuang secara perlahan-lahan. Sentiasa senyum dan tunjukkan kemesraan walaupun di sebalik senyuman tersimpan seribu cerita. 6 tahun menggalas tanggungjawab ketua, alhamdulillah tidak banyak masalah timbul. Semua urusan disiapkan pada masanya dengan bantuan semua staf yang baik dan rajin belaka. Sentiasa mencari peluang untuk menaikkan nama jabatan. Usah malu untuk bertanya dan belajar.

Akhir kata, terimalah setiap ujian dan cabaran yang ditentukan dalam kehidupan dengan redha. Atasi dan tangani dengan sebijaknya. Mudahkan semua urusan kawan-kawan, insya-Allah, Allah mudahkan urusan kita.

